

加句靈驗佛頂尊勝陀羅尼記

朝議大夫兼侍御史武徹述

《佛頂尊勝陀羅尼》者，一切如來祕密之藏，總持法門，大日如來智印，吉祥善淨，破一切惡道大神力陀羅尼也。昔儀鳳年中，佛陀波利所傳之本，遍天下梵刹，持誦者多矣！徹自弱歲，即常持誦。永泰初，自喪妻後，倍益精心，求出離法。時有殿中侍御史蔣刑者，常持誦此陀羅尼，異日於私室悠然而來曰：今得究竟道，非常難遇。徹敬問之，即《尊勝陀羅尼》也，命之令誦，而文句全廣，音旨頗異，拜而問之，乃曰：受之於王開士，開士受之於金剛智三藏。大師云：西國亦希有此本，吾將梵本來，故密授焉。坐談中盡談些奇絕之事而忘卻向其索取此梵本，俄而將刑歿世，常懷遺憾，追悔不及，每遇精士，即求問之，冀其萬一，後遇僧際公，乃得此文本。

開元中，五臺山下有一精修居士，姓王，有事遠行，去後父亡，返來不見，乃至心誦《尊勝陀羅尼》數十萬遍，願知先考所受生處，精誠懇願，卻殊無感應，遂欲出山，忽見一老人，謂居士曰：仁者念誦，實為殷勤，然文句多脫略，故無感應，我今授汝全本文句。居士拜而受之，老人乃云：可誦千遍。殆然誦持經數月，於一夜中忽聞環珮管弦之聲來自庭宇，居士驚起而往視之，乃見數十天人圍繞一天仙前來而謂其曰：汝識吾否？居士答曰：不識！天仙曰：吾是汝父，往年汝誦持《尊勝陀羅尼》，吾得爾之福力，已上生天界，然數日已來，福倍於積歲，不知汝今更得何本？功力以至於斯！吾今以汝之力故，獲為天仙之王，故知汝今所持誦本，功效不可量也！言訖上昇，居士歡躍拜送，自爾倍加精進。

日後王居士至東都，聞有一專修學人王少府者，亦持誦波利所傳尊勝本，誦持積數已至數萬，忽於夜中夢一梵僧來謂少府曰：賢者念誦，殊謂精誠，所歎本誤文少而功薄也。王少府乃稽首懇求善本，梵僧乃授之以廣本文句，口授訖已，送僧出門，光景如晝，迴至床前，見室中僮僕猶臥，忽從夢醒，起而叱曰：天已明矣！僮僕云：今纔夜半！忽然光滅及夕，王少府自異所見，閉目試誦梵僧所授廣本文句，字字順暢，自後念誦愈加精勤。天寶初年，五臺山人王居士及王開士咸在東都，俱不相識，忽然王少府暴斃，經七日而蘇，城中好事者盡問其故，王居士及王開士亦同詣往問彼獲得再生之由。王少府乃云：吾初寢臥，忽見二使來追云：隨吾等走！吾遂隨逐！行數十里至一大樹下二使者憩，吾亦隨憩，忽憶《尊勝》，遂閉目誦三七遍，舉目迴視，二使者已不知去向矣！須臾有四人至，跪而言曰：仁者奚為修行？有此利益，向來追者二使並得生天。吾曰：吾但誦《尊勝陀羅尼》而已。四人曰：唯此功力之故也，請與弟子誦之，救拔苦難！吾又閉目誦三七遍，開目又不見四人矣！頃刻之際，空中聞戈甲聲，

有一神人，紫服被甲，儀衛侍從甚盛，前跪而言曰：吾是五道冥司，地位頗稱尊貴，然終為神道所攝，願得生天，彼六人者，以師法力故已得生天！今請迓步至弟子官邸誦之，冀霑福蔭也。吾乃相隨至一陂宅，見方圓數十里皆是罪人，枷鎖杻械，囚縛決罰，乃拷問判決之所。神請吾上高座，自於座下跪而聽之，吾即閉目志之，誦滿四十九遍，舉目四顧，不見一人，唯有斷鎖破杻弊械空枷而已！吾乃驚悚，不知所適。忽有四五人至云：王命速發遣，此人迴亂我曹，毀壞典函簿，擾亂冥司！遂驅逐吾入一空谷中，便即蘇息而回生，此實《尊勝陀羅尼》不思議之功力也！於是五臺山人王居士、王開士與王少府，既同業因，彼此互相慶賀。王居士曰：吾本受之於臺山聖公！王少府曰：吾本受之於神僧！王開士曰：吾本受之於金剛智三藏，梵夾見存！三人懼然，共勘文本，音旨字數如一，字句多少並同如一本焉，此事實世間罕有，故知眾生聞法各有因緣，教法流傳亦有其時節。此即是金剛智三藏梵本譯出者，今勘對佛陀波利所傳本，文句大同，唯多於舊本九句六十九字，餘悉同波利本，僧惠琳因修大藏目錄六百餘卷，見武徹所敘陀羅尼感應神驗未收入經藏，遂親自勘同，序之卷末，時元和十四年己丑歲。又前朝蔣大夫行通事舍人張承福及百濟僧，曾為冥司所追，因受持《尊勝陀羅尼》有功，以真言威力不可思議，遂不受諸苦，兼濟拔受苦群生，有傳記，琳於成都府右經藏中得之，時如意二年三月二十三日，《佛頂尊勝陀羅尼》感應事。

開元二十六年冬，有神都張繹長史，自小孝養父母，父母歿後，恐沈淪惡道，乃心懷報恩，每思濟度，遂即入山持《尊勝陀羅尼》，志願見亡父母得生安樂處。朝暮誠懇，**日夜勤誦，聲聲不絕，六年誦念，都無感應**，疑呪無驗，欲生退心，忽見一儀容甚異老翁對其語云：**非是呪無靈驗，亦非君不盡心，斯乃去聖時遙，翻譯多誤，呪詞脫略，遂失其微**。老人即口授令抄錄一本，及告之曰：依此文句持誦，期滿七日，必當見父！長史即向老人至心禮拜，舉頭忽失老人，情乃驚愕，為是仙聖耶？於是即依老人所教文本，倍更虔誠，專心持誦。始登六日，即見亡父母皆來，恩愛未絕，悲喜交集，幽明感會，情各愴然，告云：墮大地獄中，備遭諸苦，年歲已深，乘兒精誠功力，近得生天，今從上界下來，與爾相見。身上威光稍別，示相猶存，具述因緣，宛如平昔。凡是人之孝子，覩此感應，敢不留心聖教耶？如嗜慾深者，只知縱情酒色，追歡尋樂，有何益哉？且連釋子救母之事，具在聖文，長史孝心至誠，遂有此感應焉。後有傳某僧誦念此文本獲得舍利，境界極多，來至東都，其感應事蹟頗為人知，有好事者各為流傳，即釋門弟子也。

長慶三年四月中旬，前奉天縣尉馬敷秋，任滿移歸蒲坂，住東城石子坊舊第，持波利尊勝本一十五載，未嘗怠慢，及住蒲坂，經數月忽夢見一狀貌甚異被甲神人對其曰：汝既精心持此真言，何不詣景福寺東廊坊，一持念僧有《尊勝》

靈驗本，持之功九倍常！言訖驚覺，汗流透衣。翌日便專詣寺尋僧，數日方遇，僧法名義遠，既見而詢之，此僧果久精心此門，遠近依止，僧乃問有何事相覓？乃話所夢之事，遠曰：大奇！大奇！畜此本來無人知曉，少公今日蒙神人指示，遠焉敢恡惜！乃命弟子出篋取至，真實傳授。歟秋歸家後乃勘舊所持波利本，方知文句脫略，即轉持誦新本，所獲神驗亦頗異焉。僧後更傳《尊勝瑜伽》兩卷，方知聖教分明，作有法度，不可任其凡智也，因錄記之，以傳將來志同者。

佛頂尊勝陀羅尼

曩謨(引)婆誡嚩帝(引)怛賴(二合引)路(引)枳也(二合)鉢羅(二合)底尾始瑟吒(二合引)野沒馱(引)野婆誡嚩帝(引)怛地也(二合)他(引)唵(引)尾戍(引)馱野尾戍(引)馱野(引)娑麼(引)娑麼三滿多(引)嚩婆(引)娑娑頗(二合)羅拏(鼻音)誡底誡賀曩沙嚩(二合)婆(引)嚩尾林第(引)阿鼻誑左覩唎(引)素誡多嚩囉嚩左曩阿蜜利(二合轉舌)多(引)鼻囉(引)罽(引)阿(引)賀囉阿(引)庾散馱(引)囉拏戍(引)馱野戍(引)馱野誡誡曩沙嚩(二合)婆(引)嚩尾林第(引)鄔瑟拏(二合引)灑尾惹野尾林第(引)娑賀娑囉(二合)囉(囉字轉舌)濕茗(二合)散祖(引)儂帝(引)薩嚩怛他(引)誡多(引)嚩盧(引)羯儂娑吒波(二合引)囉蜜多(引)波唎布(引)囉拏薩嚩怛他(引)誡多纈哩(二合)馱野(引)地瑟姪(二合引)曩(引)地瑟恥(二合)多摩賀(引)母捺嚩(二合引)嚩日囉(二合)迦(引)野僧賀多曩尾林第(引)薩嚩(引)嚩囉拏(引)波(引)耶突唎揭(二合)底跛唎林第(引)鉢囉(二合)底儂尾唎(二合)多野(引)欲林第(引)三麼野(引)地瑟恥(二合)帝(引)麼拏摩賀(引)麼拏怛他多(引)部(引)多句(引)知跛哩林第(引)尾娑普(二合)吒沒池林第(引)惹野尾惹野尾惹野娑頗(二合引)囉娑頗(二合引)囉薩嚩沒馱(引)地瑟恥(二合)多林第(引)嚩日唎(二合)嚩日囉(二合)伽(引)稚(引)嚩日覽(二合引)婆嚩覩麼麼(自稱名)舍唎(引)嚩薩嚩薩埵(引)喃(引)者迦(引)耶跛唎林第(引)薩嚩誡底跛哩林第(引)薩嚩怛他(引)誡多(引)室者銘(引)三麼(引)濕嚩(二合引)娑演覩薩嚩怛他(引)誡多三麼(引)濕嚩(二合引)娑(引)地瑟恥(二合)帝(引)沒地野(二合)尾冒(引)馱野尾冒(引)馱野三滿多跛哩林第(引)薩嚩怛他(引)誡多纈哩(二合)馱野(引)地瑟姪(二合引)曩(引)地瑟恥(二合)多摩賀(引)母地嚩(二合引)娑嚩(二合引)賀(引)

加句靈驗尊勝陀羅尼記一卷

佛頂尊勝陀羅尼加字具足本

曩謨(引)婆誡嚩帝(引)怛賴(二合引)盧(引)枳也(二合)鉢羅(二合)底尾始瑟吒(二合引)野沒馱(引)野婆誡嚩帝(引)怛地也(二合)他(引)唵(引)尾戍(引)馱野尾戍(引)馱野(引)娑麼娑麼三滿跢(引)嚩婆(引)娑娑頗(二合)囉拏誡底誡賀曩娑嚩(二合)婆(引)嚩尾林第(引)阿鼻誡左都舍(引)素誡跢嚩嚩左曩阿蜜唎(二合)哆(引)鼻囉(引)闍(引)摩賀(引)曼怛囉(二合)跋乃(引)阿(引)賀囉阿(引)賀囉阿(引)佑三馱(引)囉拏戍(引)馱野戍(引)馱野誡誡曩娑嚩(二合)婆(引)嚩尾林第(引)鄔瑟拏(二合引)灑尾惹野尾林第(引)娑賀娑囉(二合)囉濕弭(二合)三祖(引)儂帝(引)薩囉嚩(二合)怛他(引)誡哆(引)嚩路(引)迦儂沙吒播(二合引)囉弭哆(引)跋哩布(引)囉拏薩囉嚩(二合)怛他(引)誡哆訖哩(二合)娜野(引)地瑟姪(二合引)曩(引)地瑟恥(二合)多摩賀(引)母捺嚩(二合引)嚩日囉(二合)迦(引)野僧賀多曩尾林弟(引)薩囉嚩(二合引)嚩囉拏(引)播(引)野訥囉伽(二合)底跋哩尾林弟(引)鉢囉(二合)底儂尾唎(二合)哆野阿佑林第(引)三麼野(引)地瑟恥(二合)帝(引)麼拏麼拏摩賀(引)麼拏怛闍哆(引)部(引)多句(引)致跋哩林弟(引)尾娑普(二合)吒沒地林弟(引)惹野惹野尾惹野尾惹野娑頗(二合引)囉娑頗(二合引)囉薩囉嚩(二合)沒馱(引)地瑟恥(二合)多林弟(引)嚩日哩(二合)嚩日囉(二合)伽(引)稚(引)嚩日嚩(二合引)婆嚩覩麼麼(稱名)舍哩(引)唵薩囉嚩(二合)薩怛嚩(二合引)喃(引)左迦(引)野跋哩尾林第(引)薩囉嚩(二合)誡底跋哩林弟(引)薩囉嚩(二合)怛他(引)誡哆(引)誡者銘(引)三麼(引)濕嚩(二合引)娑琰覩薩囉嚩(二合)怛他(引)誡哆三麼(引)濕嚩(二合引)娑(引)地瑟恥(二合)帝(引)沒地野(二合)沒地野(二合)尾沒地野(二合)尾沒地野(二合)冒(引)馱野冒(引)馱野尾冒(引)馱野尾冒(引)馱野三滿哆跋哩林第(引)薩囉嚩(二合)怛他(引)誡哆訖哩(二合)娜野(引)地瑟姪(二合引)曩(引)地瑟恥(二合)多摩賀(引)母地嚩(二合引)娑嚩(二合引)賀(引)

此陀羅尼版本中天竺三藏善無畏携來流傳此土，[漢地佛陀波利及諸流傳本字句有所脫闕](#)，由是故具本譯出流通。

【經文資訊】大正新脩大藏經第 19 冊 No. 0974C 加句靈驗佛頂尊勝陀羅尼記

【版本記錄】CBETA 電子佛典 Rev. 1.7 (Big5)，完成日期：2006/04/12

【編輯說明】本資料庫由中華電子佛典協會（CBETA）依大正新脩大藏經所編輯

【原始資料】蕭鎮國大德提供，北美某大德提供

【其他事項】本資料庫可自由免費流通，詳細內容請參閱【[中華電子佛典協會版權宣告](#)】

公元二零一四年三月四日馬來西亞萬撓佛教會蔡文端居士再修訂。